

Բ. 1763ին Վանայ Արարուց եկեղեցին, ինչպէս նաև Ար-
ճէշի եռայորիկ և զմբէթաւոր տաճարը.

Գ. 1765ին Հոգւոց վանքին կաթողիկէն.

Դ. 1766ին Լիմ Անապատի քարեղէն դարպասը.

Ե. 1768ին Քաջբերունեաց Ականց գիւղի եկեղեցին.

Զ. 1769ին Վանայ Հայկավանից եկեղեցին Ս. Աստուածա-
ծնի անուամբ:

Յովհաննէս վրդ. Մոկացի կը վախճանի 1769 Փետր. 4ին:
(տես Վարլը. Դիւան. գիրք Ժ. էջ 187—188):

ՅՈՎՀԱՆՆԷՍ ՎՐԴ.— Մը. ՆԱ. Եւդոկիոյ. աշկ. Գաբրիէլ
եպս.ի. 1786ին կը վախճանի Թօգատի մէջ:

ՅՈՎՀԱՆՆԷՍ ՎՐԴ. ՇէնՔոնՇՅԻ.— Եղբօրորդի Ամգեցի Մի-
նաս պտրք.ի, որ Երուսաղէմ բերել տալով՝ կուտայ անոր զա-
ւագանի իշխանութիւն եւ իր տեղը փոխանորդ կը կարգէ Շէն-
քուշի մէջ. կը վախճանի 1723ին (Թորոս Աղբար. էջ 459):

ՅՈՎՀԱՆՆԷՍ ՎՐԴ. ՈՒՐՅԱՅԻ.— աշկ. Սրապիոն վրդ.ին,
(յետոյ կթղ.). ուխտաւորութեամբ կ'այցելէ Ս. Յակոբի վանքը:

ՅՈՎՀԱՆՆԷՍ ՎՐԴ. ՆՈՒՐՏԻՆԵԱՆ, ՏԻԳՐԱՆԱԿԵՐՏՅԻ.— Ծ.
1747ին. հայրը Սահակ Քուեանց, մայրը Մարթա՝ ծնեալ Նուր-
տինեան. Բաղէշէն գաղթած էին Քուրդերու երեսէն փախչելով:
Յովհ. վրդ. կ'աշակերտի Արղնի Բարձրահայեաց վանքին մէջ
իր քեռիին՝ Աբրահամ եպս.ի մօտ: Յովակիմ եպս. Քանաքեու-
ցին (ապա պտրք. Երուսաղէմի), նուիրակութեամբ Տիգրա-
նակերտ հանդիպած միջոցին կը տեսնէ որք Յովհաննէս Նուր-
տինեանը եւ կարեկցելով հետը կը բերէ Դամասկոս ուր սար-
կաւագ ձեռնադրելէ յետոյ կը տանի Երուսաղէմ, իբրեւ միա-
բան Ս. Յակոբի: Յովակիմ եպս. 1765ին Պոլսի վէքիլութեան
գացած ժամանակ՝ հետը կը տանի Նուրտինեան սարկաւագը,
որ վեց ամիս Յովակիմ եպս.ի մօտ կենալէ յետոյ կը բաժնուի
անկէ եւ կ'աշակերտի 1766ին Ղալաթիոյ Ս. Լուսաւորիչ եկեղեցիին
քարոզիչ Սարգիս արքեպս. Սարրաֆեանի, որ զինքը կը ձեռ-
նադրէ 1769ին վրդ. 1773ին ալ Սարրաֆեանի հետ կ'ուղևորի
Իտալիա. և անոր մահուանէն վերջ կը հաստատուի Լիվոռ-
նիոյ մէջ ուր կը վախճանի 1803ին: Նուրտինեան վրդ. գրած
Սարգիս արքեպս.ի կենսագրութիւնը (հրտ. 1908, Վիեննայի մէջ):